

◎ 俗文化語彙

唐刺史考全集



大英大圖書出版社

郁賢皓○著

唐刺史先生集
三甲科千帆署



安徽大学出版社

卷一〇〇 相州(鄴郡)

隋魏郡。武德元年改爲相州，置總管府。四年廢總管府。六年復置總管府。後改都督府。九年廢都督府。貞觀十年復置都督府。十六年罷都督府。天寶元年改爲鄴郡。乾元元年復爲相州。領縣十一：安陽、鄴、湯陰、林慮、堯城、洹水、臨漳、成安、內黃、臨河、滏陽。

呂 琮 武德元年—二年(618—619)

《元龜》卷一六四：“義寧二年‘六月，隋安陽令呂珉以相州來降，拜相州刺史’”。《新書·高祖紀》：武德二年九月“庚辰，竇建德陷相州，總管呂珉死之”。又見兩《唐書·竇建德傳》，《通鑑·武德元年》、《武德二年》。

雙士洛 武德二年？—四年？(619？—621？)

《乾道臨安志三》：“雙士洛，右武衛大將軍，定、相二州總管，杭州刺史。”《全文》卷一五六李君政《宣霧山鐫經像碑》：“遠邑爭來，德士褰衣，他方並至，於是使持節上柱國本州諸軍事定州刺史、定州都督、相州總管、杭州刺史、光祿大夫呂國公士洛，佐命心膂，幹國爪牙。”又見《唐文續拾》卷一二《定州刺史呂國公□□洛法華經頌》。按武德五至六年雙士洛在定州刺史任，其爲相州總管疑在四年前。

房 晃 武德四年(621)

《新書·高祖紀》：武德五年正月“乙酉，劉黑闥陷相州，刺史房晃死之”。《通鑑·武德四年》：十二月，“[劉黑闥]引兵攻拔相州，執刺史房晃”。又《武德五年》：正月“丙申，[李]世民復取相州”。《考異》曰：“按劉黑闥攻拔相州，執刺史房晃，秦王兵至，乃棄相州，故秦王復取之。《新書·帝紀》拔相州、殺房晃在正月乙酉，相州人殺獨孤徹叛附黑闥在丙申，其誤明矣……然黑闥之拔相州，與秦王之復相州，本末甚明……而《新書》所書殺房晃、拔相州，月日亦誤。”

獨孤徹 武德五年(622)

《新書·高祖紀》：武德五年正月“丙申，相州人殺其刺史獨孤徹，以其州叛附於[劉]黑闥”。《通鑑考異》：“《實錄》云：‘祿州人殺刺史獨孤徹，以城應黑闥。’按《地理志》無祿州，蓋字誤耳。《新書》作‘相州’，尤誤也。”《新舊唐書互證》引黃緗庭曰：“考《劉黑闥傳》，棣州人復殺刺史，叛歸黑闥，《實錄》‘祿’字或是‘棣’字之誤。”趙紹祖案：“緗庭考此甚精。今案《新黑闥傳》：五年，陷相州，秦王率兵次汲，數困賊，進下相州，棣州人復殺刺史，叛歸黑闥。《新紀》失書秦王下相州，竊疑下相州後復置刺史，而棣州人又殺之以叛，故云復殺刺史。《通鑑》以《地理志》無祿州，遂刪棄此事，致獨孤徹之名不見於書，亦過矣。蓋殺刺史者，棣州人；而所殺則相州復置之刺史獨孤徹也。《新紀》特未分明其辭耳。”

張道源(張河) 武德七年前(624 前)

《舊書》本傳：“尋轉太僕卿，後歷相州都督。武德七年卒官。”《元龜》卷八〇四、卷八四三稱：“張河，字道源……後至相州都督。”《新書》本傳作“拜綿州刺史，卒”。未知孰是，姑兩存之。

唐 懿 武德?

《新表四下》唐氏：“懿，字君德，隋、相二州刺史。”乃後周儀同三司唐永之孫。岑仲勉《貞石證史·新唐書世系表之唐貞休》謂懿當仕於唐初。

李道彥 貞觀初

《舊書》本傳：“貞觀初，轉相州都督，例爵爲公，拜岷州都督。”《新書》本傳同。又見《元龜》卷二八一。

李厚德 貞觀五年(631)

《舊書·刑法志》：“其後河內人李好德，風疾瞀亂，有妖妄之言，詔按其事。大理丞張蘊古奏，好德癲病有徵，法不當坐。治書侍御史權萬紀，劾蘊古貫相州，好德之兄厚德，爲其刺史，情在阿縱，奏事不實。”《新書·刑法志》稱“〔貞觀〕五年，河內人李好德坐妖言下獄”。又見《新書·張蘊古傳》，《會要》卷四〇，《元龜》卷一七五，《通鑑·貞觀五年》。

* 李 泰 貞觀十年—十七年(636—643)

《舊書》本傳：“〔貞觀〕十年，徙封魏王，遙領相州刺史。”按《舊書·張亮傳》謂：貞觀七年李泰爲相州都督。《通鑑·貞觀十年》：二月乙丑，“〔魏王〕泰爲相州都督……泰不之官，以金紫光祿大夫張亮行都督事”。又《貞觀十七年》：四月“癸巳，詔解魏王泰雍州牧、相州都督、左武候大將軍，降爵爲東萊郡王”。拓本《大唐故新安郡王墓誌銘并序》：“王諱徽，字玄祺……祖太宗文武聖皇帝……父泰，濮恭王……貞觀二年封越王……十年改封魏王，相衛等七州諸軍事相州刺史，又除雍州牧、左武候大將軍。”(《文物》1987年第8期)又見兩《唐書·李元景傳》，《新書》本傳，《會要》卷四六，《元龜》卷二八一，《全文》卷六太宗《荆王元景等子孫代襲刺史詔》，卷七《賜魏王泰詔》、《黜魏王泰詔》，卷九

及卷一五〇《冊越王泰改封魏王文》,《大詔令集》卷三五《相州都督魏王泰雍州牧制》、卷三四《冊雍州牧左武候大將軍越王泰改封魏王文》。《金石萃編》卷四五《伊闢龜碑》稱“左武候大將軍相州都督、雍州牧魏王”,貞觀十五年立。《廣記》卷一五九引《續幽怪錄》定婚店條敘貞觀十六年時相州刺史王泰,當爲“魏王泰”之誤。

張亮 貞觀七年—十一年(633—637)

《舊書》本傳:“[貞觀]七年,魏王泰爲相州都督而不之部,進亮金紫光祿大夫、行相州大都督府長史。”又《長孫無忌傳》:貞觀十一年功臣世襲刺史詔:“相州都督府長史、鄆國公張亮可澧州刺史,改封鄆國公。”《全文》卷六同。《新書》本傳:“歷邠、夏、鄜三州都督,相州長史。”《通鑑》稱貞觀十年二月張亮爲相州大都督府長史。

杜某 貞觀中

《楊炯集》卷七《原州百泉縣令李君(楚才)神道碑》:“大業末年,皇綱漸紊。不掃一室,自懷包括之心;獨守大玄,且忘名利之境。於時魏特進、房僕射、杜相州等,並以江海相期,煙霞相許,付同心之雅會,訖刎頸之良遊。”楚才顯慶元年卒,春秋七十一。按魏特進指魏徵,貞觀十年爲特進;房僕射指房玄齡,貞觀三年爲左僕射。杜相州未知何人。

侯莫陳肅 貞觀中

《姓纂》卷五河南侯莫陳氏:“肅,字虔會,唐考功郎中、相州刺史,昇平縣男。”《金石錄》卷三:“《唐相州刺史侯莫陳肅碑》,正書,無書撰人姓名,貞觀二十一年。”又見《寶刻叢編》卷八引。

路德準 貞觀中?

《姓纂》卷八平陽路氏:“德準,唐相州刺史。”《新表五下》路

氏同。乃北齊員外郎路君儒子。

李 貞 貞觀十七年—永徽四年(643—653)

《舊書》本傳：“[貞觀]十七年，轉相州刺史……永徽四年，授安州都督。”《元龜》卷二八一同。又卷二六八：“[貞觀]二十二年十月……相州刺史越王貞來朝。”《新書》本傳未及。昭陵博物館藏《唐故太子少保豫州刺史越王(貞)墓誌銘》(開元六年正月二十六日)：“歷安、徐、揚三州都督，相州刺史，遷絳州刺史兼太子少保。”

許圉師 乾封元年(666)

《舊書》本傳：“又爲李義府所擠，左遷虔州刺史。尋轉相州刺史。”《御覽》卷二五八及《新書》本傳略同。《元龜》卷一五五：“高宗乾封元年十一月，帝引朝集使相州刺史許圉師等謂曰……圉師等引咎而退。”《金石錄》卷四：“《唐相州刺史許圉師德政碑》，正書，無書撰人姓名，乾封二年。”又見《寶刻叢編》卷六引。

李 悄 約總章、咸亨間

《舊書》本傳：“永徽三年，除梁州都督……後歷遂、相二州刺史。上元年，有人詣闕誣告憚謀反，惶懼自殺。”《新書》本傳未及。《元龜》卷二八一同。

李景恆 咸亨三年(672)

《舊書·李道宗傳》：“道宗子景恆，降封盧國公，官至相州刺史。”《新書·李道宗傳》略同。《元龜》卷二八一作“李景嘗”，《新書·宗室世系表上》雍王房作“景悞”，“嘗”、“悞”皆爲“恆”之諱改。《新書·地理志三》相州安陽縣注：“西二十里有高平渠，刺史李景引安陽水東流溉田，入廣潤陂，咸亨三年開。”此“李景”當即“李景恆”，亦爲避諱省字。

李 貞 咸亨中—弘道元年(？—683)

《舊書》本傳：“咸亨中，復轉相州刺史……則天臨朝，加太子太傅，除蔡州刺史。”又《則天皇后紀》：弘道元年十二月，“相州刺史、越王貞爲太子太傅”。又見《會要》卷五，《元龜》卷二八一、卷二九九。《新書》本傳未及。昭陵博物館藏《太子少保豫州刺史越王(貞)墓誌》：“歷安、徐、揚三州都督，相州刺史，遷絳州刺史……乃授綿州刺史，又遷豫州刺史。”《寶刻叢編》卷一〇引《集古錄目》：“《唐大興國寺舍利塔碑》，唐相州刺史越王貞撰……碑以儀鳳四年三月立。”

楊德幹 高宗末

《舊書·楊炯傳》：“[楊]虔威子德幹，高宗末，歷澤、齊、汴、相四州刺史，治有威名。”又見《新書》本傳，《御覽》卷二五八，《元龜》卷六八九。

陶大舉 垂拱四年(688)

《全文》卷九一二靈廓《唐宣州刺史陶府君德政碑》：“垂拱四年轉授使持節相州諸軍事相州刺史……其年十月□□□(懷)州刺史。”又見《江蘇金石志》卷四。

弓志元 永昌元年(689)

《姓纂》卷一太原弓氏：“志元，右金吾將軍，相州刺史，陽國公。”《新書·則天皇后紀》：永昌元年八月“丁未，殺相州刺史弓志元”。

于敏直 約武后前期

《姓纂》卷二河南洛陽于氏：“敏直，相州刺史。”《新表二下》于氏同。按兩《唐書·列女傳》皆有《于敏直妻張氏傳》，謂張氏乃張儉女，儉死，一慟而卒，高宗懿其行。又按《嘉泰吳興志》卷一

四郡守題名：“于敏直，永徽五年自宋州別駕授，遷德州刺史。”《統記》以爲則天時。則其爲相州刺史約在武后前期。

來同敏 長壽二年(693)

《新書·則天皇后紀》：長壽二年五月“乙未，殺……相州刺史來同敏”。

吉 項 聖曆元年(698)

《舊書》本傳：“萬歲通天二年……明年，突厥寇陷趙、定等州，則天召頊檢校相州刺史，以斷賊南侵之路。”《新書》本傳略同。又見《大唐新語》卷一。

房穎叔 聖曆中？

《元龜》卷六七三：“房穎叔爲相州刺史，大曆中以善政聞。”

按《舊書·蘇晉傳》有“吏部侍郎房穎叔”，《新書·蘇晉傳》同。《廣記》卷三二九引《朝野僉載》：“周地官郎中房穎叔，除天官侍郎……房果病，兩日而卒。所司奏狀下，即除李迴秀爲侍郎。”疑《元龜》之“大曆”爲“聖曆”之誤。

獨孤思莊 武后時

《廣記》卷三八一引《廣異記》：“安定皇甫恂，以開元中，初爲相州參軍，有疾暴卒，數食頃而蘇。刺史獨孤思莊，好名士也，聞其重生，親至恂所，問其冥中所見。”按萬歲通天元年獨孤思莊在魏州刺史任。又按《廣記》卷二六七引《朝野僉載》稱：“周瀛州刺史獨孤莊酷虐……後莊左降施州刺史……歲餘卒。”則其爲相州刺史似不能遲至開元中。疑《廣異記》誤。

源修業 武后時

北圖藏拓片《唐故殿中侍御史張府君夫人河南源氏墓誌》（貞元十三年二月四日）：“夫人皇相州刺史諱修業之曾孫，同州

刺史諱光乘之孫。”按修業延載元年在涇州刺史任。

蕭元禮 武后時？

《全文》卷七八五穆員《成都功曹蕭公墓誌銘》：“祖元禮，湘州刺史。”蕭公卒貞元八年，享年五十八。《新表一下》蕭氏齊梁房：“元禮，湘州刺史。”乃湖州司馬文憬子，鄂州刺史蕭謾之父。按唐無湘州，疑爲“相州”之訛。

李玄挺 武后時？

《新表二上》隴西李氏姑臧房：“玄挺，相州刺史。”乃邛州刺史李行師子。其子尚詞，疑即尚辭，約開元中爲申州刺史。

裴懷古 長安中

《舊書》本傳：“復歷相州刺史、并州大都督府長史，所在爲人吏所慕。神龍中，遷左羽林大將軍，行未達都，復授并州長史。”《新書》本傳略同。

韋嗣立 神龍二年(706)

《舊書》本傳：“神龍二年，爲相州刺史。及承慶卒，代爲黃門侍郎。”《新書》本傳及《韋承慶傳》略同。

柳 沖 中宗時

《隋唐嘉話》下：“後柳常侍沖亦明於族姓，中宗朝爲相州刺史。”又見《大唐新語》卷九，《唐語林》卷一，《廣記》卷一八四引《國史補》。兩《唐書》本傳未及。

采泰眷 中宗時？

《姓纂》卷六北平采氏：“泰眷，右金吾將軍，相州刺史。”按其父公敏，黃門侍郎。其伯父宣明，嚴氏《僕尚丞郎表》謂約貞觀末高宗初爲刑部侍郎。其同祖從兄懷敬約武后中期在吏部郎中任。疑泰眷刺相在中宗時。

尹正義 景龍三年(709)

《會稽掇英總集·唐太守題名》：“尹正義，景龍三年六月自宋州刺史授；其年便除相州刺史。”《嘉泰會稽志》同。《全文》卷四九八權德輿《唐故成德軍節度營田副使正議大夫趙州別駕尹府君神道碑銘并序》：“禰曰本古，仕至常州武進尉。武進之父曰正義，歷許、相、宋三州刺史，司農少卿。”

宋 璞 約景龍三、四年(約709、710)

《舊書》本傳：“中宗幸西京，令璞權檢校并州長史，未行，又帶本官檢校貝州刺史……又歷杭、相二州刺史……中宗晏駕，拜洛州長史。”《新書》本傳略同。《全文》卷三四三顏真卿《有唐開府儀同三司行尚書右丞相廣平文貞公宋公(璞)神道碑銘》：“轉杭州，又復遷相州，尋入爲洛州長史，唐隆初拜吏部尚書。”

王希儻 景龍四年(710)

《會稽掇英總集·唐太守題名》：“王希儻，景龍四年六月自相州刺史授；召拜京兆少尹。”《嘉泰會稽志》同。《全文》卷二九三張九齡《故太僕卿上柱國華容縣男王府君墓誌銘并序》：“乃拜相州刺史。先是景雲歲，我唐雖舊，儀制維新……於是歷選列辟，專謀用賢，且有後命。而公爲稱首，遂作越州都督。”當即希儻。上圖藏拓片《唐故滑州匡城縣令王公(虔暢)墓誌銘并序》(咸通八年二月一日)：“及國朝，則材冠羣英、名高華省曰守真……實生希儻，官隨、遂、綿、相、越五州刺史。”又《唐故潞府參軍博陵崔公夫人琅邪王氏墓誌銘并序》(元和十四年四月二十六日)：“曾王父希儻，皇銀青光祿大夫，隨、遂、綿、相、越五州刺史，京兆〔少〕尹，太僕卿，華容縣開國男，謚曰貞公。”

屈突季將 景雲中？

《姓纂》卷一〇昌黎屈突氏：“季將，婺、相二州刺史。”乃神龍

中瀛州刺史仲翔弟。其刺相州疑在景雲中。

張 說 開元元年(713)

《舊書·玄宗紀》：開元元年十二月，“紫微令張說爲相州刺史”。又見兩《唐書》本傳、《李憕傳》，《新書·玄宗紀》、《宰相表中》，《元龜》卷三十三，《通鑑·開元元年》十二月癸丑。

徐孟嘗 約開元初

《姓纂》卷二東海鄒州徐氏：“孟嘗，越、相州刺史致仕。”按其父徐昭，乾封元年與蘇瓌、解琬等同榜登幽素科。

賀蘭務溫 開元九年前(721前)

《千唐誌·唐故正議大夫使持節相州諸軍事守相州刺史上柱國河南賀蘭公(務溫)墓誌銘并序》(開元九年十月二十三日)：“拜儀州刺史，未幾，除揚州司馬……拜相州諸軍事相州刺史……享年不永，終於官舍，春秋六十五。”上圖藏拓片《大唐□四從姑故正議大夫使持節鄆郡諸軍事守鄆郡太守上柱國賀蘭府君夫人金城郡君隴西李氏墓誌銘并序》(天寶四載十月二十五日)之“賀蘭府君”，當即務溫。《隋唐五代墓誌匯編·洛陽卷》第十二冊《唐故銀青光祿大夫兵部尚書上柱國漢陽郡公贈太子少保馬公(炫)墓誌銘并序》(貞元八年二月十七日)：“夫人河南賀蘭氏，相州刺史侍御史溫之孫，大理司直兼金部員外郎賁之女。”

竇思仁 約開元九年—十一年(約721—723)

《寶刻叢編》卷一〇引《集古錄目》有《唐相州刺史竇忠仁碑》云：“唐國子祭酒徐堅撰，八分，不著書人名氏，忠仁，字恕，扶風平陵人，位至相州刺史。碑以開元十一年立。”按《新表一下》竇氏有“思仁，字恕，殿中監，扶風郡公”。則《集古錄》之“忠仁”，當即《新表》之“思仁”。又按思仁開元八年在華州刺史任。則其刺相州約在開元九年至十一年間。

崔玄同 約開元十三年(約 725)

《新表二下》清河崔氏青州房：“玄同，相州刺史。”《韓昌黎集》卷二四《崔評事(翰)墓銘》：“大父玄同，爲刑部侍郎，出刺徐、相州；父倚，舉進士，天寶之亂，隱居而終。”按開元十一年二月在刑部侍郎任，見《舊書·音樂志三》玄宗開元十一年祭皇地祇於汾陰樂章十一首，又見《全詩》卷一二。則其刺相州約在開元十三年前後。

【李暢 開元十八年(730)(未之任)】

《新表二上》趙郡李氏東祖房：“暢，相州刺史。”乃武后時宰相李嶠子。按李暢開元元年爲虔州刺史，其父隨子赴任，見《舊書·李嶠傳》。《隋唐五代墓誌匯編·洛陽卷》第九冊《唐正議大夫使持節相州諸軍事守相州刺史上柱國贊皇縣開國子李公(暢)墓誌銘并序》(開元十八年七月九日)：“又除公爲相州刺史，未到官，寢疾。”開元十八年六月十八日卒，春秋五十二。

鄭溥 開元中

《金石補正》卷七二《□故右內率府兵曹鄭君(準)墓誌銘并序》：“王父溥，尚書右部郎中，歷青、邢、相、衛、□、幽、懷七州刺史，入爲左庶子。皇考華，駕部郎中，吉州刺史……君即吉州之少子也。”大和四年正月卒，享年六十三。又見《全文》卷七四四。按《英華》卷三九五蘇頌有《授鄭溥殿中侍御史等制》。

李擇言 開元中

《舊書·李勉傳》：“父擇言，爲漢、褒、相、岐四州刺史，安德郡公。所歷皆以嚴幹稱。在漢州，張嘉貞爲益州長史、判都督事。”又見《御覽》卷二五五，《元龜》卷六八九。《新書》本傳未及相州。按張嘉貞開元十二年爲益州長史。

崔 珪 約開元中

《新表二下》大房崔氏：“珪，汾、相等州刺史。”按其父崔玄暉，相武后、中宗。

王休名 約開元中

《新表二中》琅邪王氏：“休名，相州刺史。”乃武后時宰相王璿子。按其兄王同人，開元十六年前爲泗州刺史。則休名刺相亦約在開元中。

侯莫陳涉 開元二十三年前(735前)

《姓纂》卷五河南侯莫陳氏：“涉，相州刺史。”《金石錄》卷六：“《唐相州刺史侯莫陳涉墓誌》，鄭同昇撰，盧自勸正書，開元二十三年十一月。”又見《寶刻叢編》卷二〇引《復齋碑錄》。

張嘉祐 開元二十五年—二十九年(737—741)

《舊書》本傳：“[開元]二十五年，爲相州刺史……經三考，改左金吾將軍。”《新書》本傳、《新表二下》河東張氏略同。《全文》卷三五八柳賁《唐故左金吾將軍范陽張公(嘉祐)墓誌銘并序》：“除相州刺史……廿九年十月甲辰終於安邑里私第。”又卷三九五閻伯璵《周太師蜀國公尉遲公祠廟碑》：“開元丁丑歲，上選建衆哲，輯寧庶邦。相州刺史張公嘉祐，先相國河東恭肅公之介弟，作時膏雨，爲廟瑚璉。”又見《金石萃編》卷八二。按丁丑歲爲開元二十五年。《寶刻叢編》卷六及《中州金石記》卷二稱：開元二十六年相州刺史張嘉祐立此碑。又見《尚書故實》，《廣記》卷三〇〇引《廣異記》。

吳 竅 天寶初

《舊書》本傳：“累遷台、洪、饒、蘄四州刺史，加銀青光祿大夫，遷相州長史，封襄垣縣子。天寶初改官名，爲鄴郡太守，入爲

恆王傳。”又《張嘉祐傳》：“嘉祐訪知尉遲迥周末爲相州總管，身死國難，乃立其神祠以邀福。經三考，改左金吾將軍。後吳兢爲鄴郡守，又加尉遲神冕服。”又見《新書·張嘉祐傳》，《元龜》卷八四三。《新書》本傳未及。

王 琨 天寶五載(746)

《舊書》本傳：“天寶後，又爲廣平、鄴郡二太守。”《通鑑·天寶五載》：十二月“乙亥，鄴郡太守王琨坐贓貶江華司馬”。又見《元龜》卷七〇〇。

房 琰 約天寶十載前後(約751前後)

《舊書》本傳：“坐與李適之、韋堅善，貶宜春太守。歷琅邪、鄴郡、扶風三太守。”《新書》本傳略同。《封氏聞見記》卷一〇：“宋昌藻，考功員外郎之間之子也。天寶中爲滏陽尉，刺史房琯以其名父之子，常接通之。”又見《唐語林》卷五。按房琯天寶五載貶宜春太守。十三載在扶風太守任。

王 琮 天寶十一載—十四載(752—755)

《新書》本傳：“歷給事中、鄴郡太守。”《直齋書錄解題》卷一三：“《外臺祕要方》四十卷，唐鄴郡太守王燾撰，自爲序，天寶十一載也。”《新書·顏真卿傳》：“祿山反，河朔盡陷，獨平原城守具備……饒陽太守盧全誠、濟南太守李隨……鄴郡太守王燾各以衆歸。”《全文》卷三九四令狐峘《光祿大夫太子太師上柱國魯郡開國公顏真卿墓誌銘》：“鄴郡太守王燾，被祿山移攝河間，燾俾掾吏李奐斬僞署河間長史杜暮睦，以河間衆歸於公。”

薛 嵩 約至德中一大曆八年(約757—773)

《舊書》本傳：“嵩爲賊守相州，聞朝義兵潰，王師至，嵩惶惑迎拜於[僕固]懷恩馬前，懷恩釋之，令守舊職……詔遂以嵩爲相州刺史，充相、衛、洛、邢等州節度觀察使。”《新書》本傳略同。

《舊書·代宗紀》：寶應二年“閏月戊申，以史朝義下降將……薛嵩爲檢校刑部尚書、相州刺史、相衛等州節度使”。《元龜》卷一七六同。《通鑑·大曆八年》：“正月，昭義節度使、相州刺史薛嵩薨。”又見《舊書·田承嗣傳》、《史朝義傳》。《新書·方鎮表三》：廣德元年，“置相衛節度使，治相州”。大曆元年，“相衛六州節度賜號昭義軍節度”。《寶刻叢編》卷一〇引《集古錄目》有《唐昭義節度薛嵩神道碑》。《封氏聞見記》卷六及《唐語林》卷八記有薛嵩事。

薛 粵（薛崿） 大曆八年—十年（773—775）

《通鑑·大曆八年》：“正月，昭義軍節度使、相州刺史薛嵩薨。子平，年十二，將士脅以爲帥，平僞許之；既而讓其叔父崿，夜奉父喪，逃歸鄉里。壬午，制以崿知留後。”又《大曆十年》：“春正月丁酉，昭義兵馬使裴志清逐留後薛崿，帥其衆歸[田]承嗣。承嗣聲言救援，引兵襲相州，取之。崿奔洺州，上表請入朝，許之。”又見兩《唐書·薛嵩傳》，並作“薛粵”。

薛 擇 大曆十年（775）

《舊書·代宗紀》：大曆十年正月，“以昭義將薛擇爲相州刺史”。又見《新書·薛嵩傳》、《通鑑·大曆十年》正月。

李承昭 大曆十年—十一年（775—776）

《舊書·代宗紀》：大曆十年二月“丙子，以華州刺史李承昭爲相州刺史，知昭義兵馬留後”。十一年十二月，“昭義節度使李承昭抗表稱疾，以澤潞行軍司馬李抱真權知磁邢兵馬留後”。又見《新書·田承嗣傳》、《通鑑·大曆十年》、《大曆十一年》。

田廷玠（田庭玠） 大曆末—建中三年（？—782）

《新表五下》田氏：“庭玠，相州刺史。”《舊書·田弘正傳》：父廷玠，“遷洺州刺史，又改相州。屬薛粵之亂，承嗣蠶食薛嵩所

部;廷玠守正字民,不以宗門回避而改節。建中初,族姪悅代承嗣領軍政,志圖兇逆……建中三年,鬱憤而卒。”《新書·田弘正傳》略同。又見《元龜》卷六七四、卷七九六。《全文》卷六五五元稹《故中書令贈太尉沂國公墓誌銘》稱:“父庭玠,官至銀青光祿大夫相州刺史。”又卷六一五庾承宣《魏博節度使田布碑》稱:“王父曰玠,相州刺史。”

吳子晁 貞元初?

《唐語林》卷六:“顏真卿爲平原太守,立三碑,皆自撰書……及真卿南渡,蕃寇陷城,州人埋匿此碑。河朔克平,別駕吳子晁,好事者也,掘碑使立於廟所……時顏任撫州,子晁拓三碑本寄之……子晁後至相州刺史,兼御史大夫。”又見《封氏聞見記》。

薛 振 貞元中?

《新表三下》薛氏:“振,相州刺史。”乃玄宗時將軍薛訥孫。

朱 禹 貞元中?

《隋唐五代墓誌匯編·河南卷·朱清墓誌》(大中十年十月十二日):“祖諱禹,皇正議大夫檢校戶部郎中,昭義行軍司馬,魏、相、洛等州刺史。列考諱□,皇尚衣奉御。”朱清卒大中十年二月七日,年八十。

王 澤 貞元中

《廣記》卷四二二引《傳奇》:“貞元中,有處士周邯……後數年,邯有友人王澤,牧相州,邯適河北而訪之。”

田 融 元和八年—十四年(813—819)

《通鑑·元和八年》:“春正月癸亥,以博州刺史田融爲相州刺史。”《舊書·憲宗紀下》:元和十四年九月“辛丑,以田弘正兄相州刺史田融檢校刑部尚書,兼太子賓客,分司東都”。又見兩《唐書